


唐詩紀

百十五之二十



和書門			
三〇	一三	三三	三九
冊	架	函	號

內閣文庫			
三九	一三	三三	三九
函	架	冊	號
漢	書		

內閣文庫	
番號	漢 3739
冊數	30 (22)
函號	319 117

三十一




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





盛唐第五十五

唐詩紀一百十五

鄆郡吳 瑄彙編

永嘉周才甫同校

李白七

五言古詩七

淺草文庫

送王屋山人魏萬還王屋并序

王屋山人魏萬云自嵩宋沿吳相送數千里不
遇乘興遊台越經永嘉觀謝公石門後於廣陵
相見美其愛文好古浪跡方外因述其行而贈

是詩

一本序云見王屋山人魏萬云自嵩歷苑遊梁入吳計程二千里相訪不遇因下江東尋諸名山往復百越後於廣陵一面遂乘興共過金陵此公愛奇好古獨出物表因述其行李有此詩

仙人東方生浩蕩弄雲海沛然乘天遊獨往失所

在

首四句一作東方不辭家獨訪紫泥海時人少相逢往往失所在

魏侯繼大名

本家聊攝城卷舒入元化

一作雜仙隱

跡與古賢并十

三弄文史揮筆如振綺辯折田巴生心齊魯連子

西涉清洛源頗驚人世喧采秀臥王屋因窺洞天

門竭來遊高峯羽客何雙雙朝攜月光子暮宿玉

女牕鬼谷上窈窕龍潭下奔瀼

音叢

東浮汴河水訪

我三千里逸興滿吳雲飄颻浙江汜揮手杭越間

樟亭

今本作章臺非

望潮還濤捲海門石雲橫天際山白

馬舛素車雷奔駭心顏遙聞會稽美且度

一作弄耶

谿水萬壑與千巖崢嶸鏡湖裏秀色不可名清輝

滿江城人遊月邊去舟在空中行此中久延佇入

剡尋王許笑讀曹娥碑沈吟黃絹語天台連四明

日入向國清五峯轉月色百里行松聲靈谿恣沿

越華頂殊超忽石梁橫青天側足履半月眷

一作忽

言系
盤居卷之五十五
然思永嘉不憚海路賒挂席歷海嶠迴瞻赤城霞
赤城漸微沒孤嶼前曉兀水續萬古流亭空千霜
月縉雲川谷難石門最可觀瀑布挂北斗莫窮此
水端噴壁灑素雪空濛生晝寒却尋惡谿去寧懼
惡谿惡咆哮七十灘水石相噴薄路創李北海巖
開謝康樂松風和猿聲搜索連洞壑徑出一作岸接梅
花橋雙谿納歸潮落帆金華岸赤松若可招沈約
八詠樓城西孤岩堯岩堯四荒外曠望羣川會雲
卷天地開波連浙西大亂流新安口北指嚴光瀨

釣臺碧雲中邈與蒼梧

一作嶺

對稍稍來吳都徘徊

上姑蘇煙絲橫九疑潏蕩

一作盪潏

見五湖目極心更

遠悲歌但長吁迴橈楚江濱揮策揚子津身著日

本裘昂藏出風塵五月造我語知非儻

一作儻

相逢樂無限水石日在眼徒干五諸侯不致百金

產吾友揚子雲絃歌播清芬雖爲江寧宰好與山

公羣乘興但一行且知我愛君君來幾何時仙臺

應有期東牕綠玉樹定長三五枝至今天壇人當

笑爾歸遲我苦昔遠別茫然使心悲黃河若不斷

言絲
白首長相思

送當塗趙少府赴長蘆

我來揚都市送客回輕舸因誇吳太子便覩廣陵
濤仙尉趙家玉英風凌四豪維舟至長蘆目送煙
雲高搖扇對酒樓持袂把蟹螯前途儻相思登嶽
一長謠

送友人遊梅湖

送君遊梅湖應見梅花發有使寄我來無令紅芳
歇暫行新林浦定醉金陵月莫惜一鴈書音塵坐

胡越

送崔十二遊天竺寺

還聞天竺寺夢想懷東越每年海樹霜桂子落秋
月送君遊此地已屬流芳歇待我來歲行相隨浮
溟渤

送楊山人歸天台

客有思天台東行路超忽濤落浙江秋沙明浦陽
月今遊方厭楚昨夢先歸越且盡秉燭歡無辭凌
晨發我家小阮賢剖竹赤城邊詩人多見重官燭

詩已

卷之五十五

四

未曾然興引登山屐情催泛海船石橋如可渡攜手弄雲煙

送溫處士歸黃山白鷺峯舊居

黃山四千仞三十二蓮峯丹崖夾石柱菡萏金芙蓉伊昔昇絕頂下窺天目松仙人鍊玉處羽化留餘蹤亦聞溫伯雪獨往今相逢采秀辭五嶽攀巖歷萬重歸休白鷺嶺渴飲丹沙井鳳吹我時來雲車爾當整去去陵陽東行行芳桂叢迴谿十六度碧嶂盡晴空他日還相訪乘橋躡彩虹

送方士趙叟之東平

長桑曉洞視五藏無全牛趙叟得秘訣還從方士遊西過獲麟臺爲我弔孔丘念別復懷古潛然空淚流

送韓準裴政孔巢父還山

獵客張兔豕不能挂龍虎所以青雲人高歌在巖戶韓生信英彥裴子含清真孔侯復秀出俱與雲霞親峻節凌遠松同衾臥盤石斧冰漱寒泉三子同一作履時時或乘興去去一作雲無心出山

言
揖牧伯長嘯輕衣簪昨宵夢裏還云弄竹谿月今
晨魯東門悵飲與君別雪崖滑去馬蘿徑迷歸人
相思若煙草歷亂無冬春

送楊少府赴選

大國置衡鏡準平天地心羣賢無邪人朗鑒窮清
深吾君詠南風袞冕彈鳴琴時泰多美士京國會
纓簪山苗落礪底幽松出高岑夫子有盛才主司
得球琳流水非鄭曲前行遇知音衣工剪綺繡一
悞傷千金何惜刀尺餘不裁寒女衾我非彈冠者

感別但開襟空谷無白駒賢人豈悲一作吟大道
安棄物時來或招尋爾見山吏部當應無陸沈

對雪奉餞任城六父秩滿歸京

龍虎謝鞭策鸛鸞不司晨君看海上鶴何似籠中
鶉獨用天地心浮雲乃吾身雖將簪組狎若與煙
霞親季父有英風白眉超常倫一官卽夢寐脫屣
歸西秦竇公敞華筵墨客盡來臻燕歌落胡鴈郢
曲迴陽春征馬百度嘶遊車動行塵躊躇未忍去
戀此四座人餞離駐高駕惜別空殷勤何時竹林

言系 盛唐卷之五十五
下更與步兵鄰

魯郡堯祠送吳五之瑯琊

堯沒三千歲青松古廟存
送行奠桂酒拜舞清心
魂日色促歸人連歌倒芳樽
馬嘶俱醉起分手更何言

金鄉送韋八之西京

客自長安來還歸長安去
狂風吹我心西挂咸陽
樹此情不可道此別何時遇
望望不見君連山起煙霧

送薛九被讒去魯

宋人不辨玉魯賤東家丘
我笑薛一作而夫子胡

為兩地遊黃金銷衆口白璧竟難投
梧桐生蒺藜

綠竹乏佳實鳳凰宿誰家送與羣雞匹
田家養老

馬窮士歸其門蛾眉笑躄者賓客去
平原却斬美

人首三千還駿奔毛公一挺劍楚趙兩相存
孟嘗

習一作狡兔三窟賴馮諼信陵奪兵符為用侯生

言一作朱生擊晉鄙為感信陵恩春申一何愚
刎首為李園賢哉

四公子撫掌黃泉裏借問笑何人
笑人不好士爾

寺記

盛唐卷之五十五

二

去且勿論一作桃李竟何言沙丘無漂母誰肯飯

王孫

送族弟凝至晏堧單父三十里

雪滿原野白戎裝出盤遊揮鞭布獵騎四顧登高
丘兔起馬足間蒼鷹下平疇喧呼相馳逐取樂銷
人憂捨此戒禽荒微聲列齊謳鳴雞發宴堧別鴈
驚淶溝西行有東音寄與長河流

魯城北郭曲腰桑下送張子還嵩陽

送別枯桑下凋葉落半空我行情道遠爾獨知天

風誰念張仲蔚還依蒿與蓬何時一杯酒更與李
膺同

送魯郡劉長史遷弘農長史

魯國一杯水難容橫海鱗仲尼且不敬况乃尋常
人白玉換斗粟黃金買尺薪閉門木葉下始覺秋
非春聞君向西遷地即鼎湖鄰寶鏡匣蒼蘚丹經
埋素塵軒后上天時攀龍遺一作小臣及此畱惠
愛庶幾風化淳魯縞如白煙五緜不成束臨行贈
貧交一尺重山嶽相國齊晏子贈行不及言託陰

當樹李忘憂當樹萱他日見張祿綈袍懷舊恩

送族弟單父主簿凝攝宋城主簿至郭南

月橋却迴棲霞山畱飲贈之

吾家青萍劍操割有餘閑往來糾二邑此去何時
還鞍馬月橋南光輝岐路間賢豪相追餞却到棲
霞山羣花散芳園斗酒開離顏樂酣相顧起征馬
無由攀

魯郡東石門送杜二甫

醉別復幾日登臨徧池臺何時石門下一作路重有

金樽開秋波落泗水海色明徂徠飛蓬各自遠且

盡林一作手中杯

魯郡堯祠送張十四遊河北

猛虎伏尺草雖藏難蔽身有如張公子骭髀在風
塵豈無橫腰劍屈彼淮陰人擊筑向北燕燕歌易
水濱歸來太山上當與爾為鄰

送張遙之壽陽幕府

壽陽信天險天險橫荆關符堅百萬衆遙阻八公
山不假築長城大賢在其間戰夫若熊虎破敵有

餘閑張子勇且英少輕衛霍屣投軀紫髯將千里
望風顏最爾効才畧功成衣錦還

送裴十八圖南歸嵩山二首

何處可為別長安青綺門胡姬招素手延一作客

醉金樽臨當上馬時我獨與一作君言風吹難具

芳蘭折日沒鳥雀喧舉手指飛鴻此情一作心

論同歸無早晚潁水有清源

君思潁水綠忽復歸嵩岑歸時莫洗耳為我洗其

心洗心得真情洗耳徒賣一作買名謝公終一起相

與濟蒼生

同王昌齡送族弟襄歸桂陽

一作同王昌齡崔國輔送

李舟歸郴州

秦地見碧草楚謠對清樽把酒爾何思鷓鴣啼南

園余一作亦欲羅浮隱猶懷明主恩躊躇紫宮戀孤

辜一作負滄洲言終然無心雲海上同飛翻相期乃

不淺幽桂有芳根一作雜芳蓀

送于十八應四子舉落第還嵩山

吾祖吹橐籥天人信森羅歸根復太素羣動熙元

言解
和炎炎四真人
摘辯若濤波
交流無時寂
楊墨日成科
夫子聞洛誦
誇才才故多
爲金好踊躍
久客方蹉跎
道可束一作東
賣之五寶溢
山河勸君還
嵩丘開酌眄
庭柯三花如
未落乘興一
來過

送張秀才從軍

六駃食猛虎
耻從駑馬羣
一朝長鳴去
矯若龍行雲
壯士懷遠畧
志存解世紛
周粟猶不顧
齊珪安肯分
抱劍辭高堂
將投崔冠軍
長策掃河洛
寧親歸汝墳
當令千古後
麟閣著奇勲

送崔度還吳

度故人禮部員外輔國之子

幽燕沙雪地
萬里盡黃雲
朝吹歸秋鴈
南飛日幾羣
中有孤鳳雛
哀鳴九天聞
我乃重此鳥
綵章五色分
胡爲雜凡禽
雞鷺輕賤君
舉手捧爾足
疾心若火焚
拂羽淚滿面
送之吳江濱
去影忽不見
躊躇日將曛

魯中送二從弟赴舉之西京

一作送族弟鯉

魯客向西笑
君門若夢中
霜凋逐臣髮
日憶明光宮
復羨二龍去
才華冠世雄
平衢騁高足
逸翰凌

長風舞袖拂秋月歌筵聞早鴻送君日千里良會何由同

送楊燕之東魯

關西楊伯起漢日舊稱賢四代三一作五公族清風播人天夫子華陰居開門對玉蓮何事歷衡霍雲帆今始還君坐稍解顏為君歌此篇我固侯門士謬登聖主筵一辭金華殿蹭蹬長江邊二子魯門東別來已經年因君此中不覺淚如泉

送蔡山人

我本不棄世世人自棄我一乘無倪舟八極縱遠施燕客期躍馬唐生安可譏采珠勿驚龍大道可暗歸故山有松月遲爾翫清暉

送岑徵君歸鳴臯山

岑公相門子雅望歸安石奕世皆夔龍中台竟一作有三折至人達機兆高揖九州伯柰何天地間而作隱淪客貴道能一作片全真潛輝臥幽鱗一作鄰探元一作玄入宵默觀化遊無垠光武有天下嚴陵為故人雖登洛陽殿不屈巢由身余亦謝明主今稱

偃蹇臣登高覺萬古思與廣成鄰蹈海寧受賞還
山非問津西來一作終期一搖扇共拂元規塵

送范山人歸太山

魯客抱白雞一作鶴別余往泰山初行若片雪一作雲
杳在青崖間高高至天門海日一作日觀近可攀雲山
望不及此去何時還

送張秀才謁高中丞并序

余時繫尋陽獄中正讀留侯傳秀才張孟熊蘊
滅胡之策將之廣陵謁高中丞余嘉一作希子房

之風感激於斯人因作是詩以送之

秦帝淪玉鏡一作六雄 一作滅金虎留侯降氛氲感激黃石老

經過滄海君壯士揮金槌報讐六國一作合聞智勇

冠終古蕭陳難與羣兩龍爭鬪時天地動風雲酒

酣一作縱橫舞長劍倉卒解漢紛宇宙初倒懸鴻溝勢

將分夫子稱卓絕超然繼清芬一作英謀信奇 絕夫子揚清芬胡

月入紫微三光亂天文高公鎮淮海談笑却一作郭

妖氛採爾幕中畫一作所期 一作振雄畧戡難光殊勳我無燕

霜感玉石俱燒焚但灑一行淚臨岐竟何云

言糸
尋陽送弟昌岨一作峒鄱陽司馬作

桑落洲渚連滄江無雲煙尋陽非剡水忽見子猷
船飄然了見一作欲相近來遲杳若仙人乘海上月帆
落湖中天一覩無二諾朝歡更勝昨爾則吾惠連
吾非爾康樂朱紱白銀章上官佐鄱陽松門拂中
道石鏡迴清光搖扇及干越水亭風氣涼與爾期
此亭期在秋月滿時過或未來兩鄉心已斷吳山
對楚岸彭蠡當中州相思定如此有窮盡年愁

錢校書叔雲

少年費白石歌笑矜朱顏不知忽已老喜見春風
還惜別且爲歡徘徊桃李間看花飲美酒聽鳥臨
晴山向晚竹林寂無人空閉關

洞庭醉後送絳州呂使君杲一作果流澧州

昔別若夢中天涯忽相逢洞庭破秋月縱酒開愁
容贈劔刻玉字延平兩蛟龍送君不盡意書及鴈
迴峯

送趙判官赴黔府中丞叔幕

廓落青雲心結交黃金盡富貴翻相忘令人忽自

言終
盛唐卷之五十五
十四
晒蹭蹬鬚毛斑盛時難再還巨源咄石生何事馬
蹄間綠蘿長不厭却欲還東山君爲魯曾子拜揖
高堂裏叔繼趙平原偏承明主恩風霜推獨坐旌
節鎮雄藩虎士秉金鉞蛾眉開玉樽才高幕下去
義重林中言水宿五谿月霜啼三峽猿東風春草
綠江上候歸軒

江夏祖友人

雪點翠雲裘送君黃鶴樓黃鶴振玉羽西飛帝王
州鳳無琅玕食何以贈遠遊徘徊相顧影淚下漢

江流

江西送友人之羅浮

桂水分五嶺衡山朝九疑鄉關渺安西流浪將何
之素色愁明湖秋渚晦寒姿疇昔紫芳意已過黃
髮期君王縱踈散雲壑借巢夷爾去之羅浮我還
憇峨眉中潤道萬里霞月遙相思如尋楚狂子瓊
樹有芳枝

宣城送劉副使入秦

君卽劉越石雄豪冠當時淒清橫吹曲慷慨扶風

詩紀

盛唐卷之五十五

五

詞虎嘯俟騰躍雞鳴遭亂離千金市駿馬萬里逐
王師結交樓煩將侍從羽林兒統兵捍吳越豺虎
不敢窺大勲竟莫叙已過秋風吹秉鉞有季公凜
然負英姿寄深且戎幕望重必台司感激一然諾
縱橫兩無疑伏奏歸北闕鳴騶忽西馳列將咸出
祖英寮惜分離斗酒滿四筵歌嘯宛谿湄君攜東
山妓我詠北門詩貴賤交不易恐傷中園葵昔贈
紫驪駒今傾白玉卮同歡萬斛酒未足解相思此
別又千里一作此外秦吳眇天涯月明關山苦水

劇隴頭悲借問幾時還春風入黃池無令長相思
折斷綠楊枝

涇川送族弟錚

涇川三百里若耶羞見之錦石照碧山兩邊白鷺
鶯佳境千萬曲客行無歇時上有琴高水下有陵
陽祠仙人不見我明月空相知問我何事來盧敖
結幽期蓬山振雄筆繡服揮清詞江湖發秀色草
木含榮滋置酒送惠連吾家稱白眉愧無海嶠作
敢闕河梁詩見爾復幾朝俄然告將離中流漾彩

鷓列岸叢金羈歎息蒼梧鳳分棲瓊樹枝清晨各
飛去飄落天南垂望極落日盡秋深暝猿悲寄情
與流水但有長相思

五松山送殷淑

秀色發江左風流奈若何仲文了不還獨立揚清
波載酒五松山頽然白雲歌中天度落月萬里遙
相過撫酒惜此月流光畏蹉跎明日別離去連峯
鬱嵯峨

送崔氏昆季之金陵

一作秋夜崔入
水亭送崔二

放一作吳歌倚東樓行子期曉發秋風渡江來吹落
山上月主人出美酒滅燭延清光二崔向金陵安
得不盡觴水客弄歸棹雲帆卷輕霜扁舟敬亭下
五兩先飄揚峽石入水花碧流日更長思君無歲
月西笑阻河梁

登黃山凌歊臺送族弟溧陽尉濟充泛舟
赴華陰

鸞乃鳳之族翱翔紫雲霓文章輝一作輝五色雙在
瓊樹棲一朝各飛去鳳與鸞俱啼炎赫五月中朱

曦爍河隄爾從泛舟役使我心魂悽秦地無草木
 南雲喧鼓鼙君王減玉膳早起思鳴鷄漕引救關
 輔疲人免塗泥宰相作霖雨農夫得耕犁靜者伏
 草間羣才滿金闥空手無壯士窮居使人低送君
 登黃山長嘯倚天梯小舟若鳧鴈大舟若鯨鯢開
 帆散長風舒卷與雲齊日入牛渚晦蒼然夕煙迷
 相思在一作何許一作杏在洛陽西
 題瓜州新河餞族叔舍人賁
 齊公鑿新河萬古流不絕豐功利生人天地同朽

滅兩橋對雙閣芳樹有行列愛此如甘棠誰云敢
 攀折吳關倚北固天險自茲設海水落斗門潮平
 見沙汭我行送季父弭棹徒流悅楊花滿江來疑
 是隴上一作雪惜此林一作下興愴為山陽別瞻
 望清路塵歸來空寂蔑

送內尋廬山女道士李騰空二首

君尋騰空子應到碧山家水春雲母碓風掃石楠
 花若戀幽居好相邀弄紫霞
 多君相門女學道愛神仙素手掬一作青靄羅衣

曳紫煙一往屏風疊乘鸞着玉鞭一作不着鞭

盛唐第五十五

盛唐第五十六

唐詩紀一百十六

鄆郡吳瑄彙編

永嘉周才甫同校

李白八

五言古詩八

贈別王山人歸布山

王子析道論微言破秋毫還歸布山隱興入天雲
高爾去安可遲瑤草恐衰歇我心亦懷歸屢夢松
上月宋本作衣傲然遂獨往長嘯開巖扉林壑久已蕪

石道生薔薇願言弄笙鶴歲晚來相依

博平鄭太守自廬山千里相尋入江夏北

市門見訪却之武陵立馬贈別

大梁貴公子氣蓋蒼梧雲若無三千客誰道信陵
君救趙復存魏英威天下聞邯鄲能屈節訪博從
毛薛夷門得隱淪而與侯生親仍要鼓刀者乃是
袖槌人好士不盡心何能保其身多君重然諾意
氣遙相託五馬入市門金鞍照城郭都忘虎竹貴
且與荷衣樂去去桃花源何時見歸軒相思無終

極腸斷朗陵一作猿

贈別舍人弟臺卿之江南

去國客行遠還山秋夢長梧桐落金井一葉飛銀
牀覺罷攬朝今本鏡鬢毛颯已霜良圖委蔓草古
貌成枯桑欲道心下事時人疑夜光因為洞庭葉
飄落之瀟湘一作流浪令弟經濟士一作謫居我
何傷一作出門潛蚪隱尺一作水著論談興亡客
遇一作王子喬口傳不死方入洞過天地登真朝
玉皇吾將撫爾背揮手遂翱翔一作凌蒼

贈別從甥高五

魚目高太山不如一璵璠賢甥即明月聲價動天
 門能成吾宅相不減魏陽元自顧寡儔畧功名安
 所存五木思一擲如繩繫窮猿櫪中駿馬空堂上
 醉人喧黃金久已罄為報故交恩聞君隴西行使
 我驚心魂與爾共飄飄雲天各飛翻江水流或卷
 此心難具論貧居羞好客語拙覺辭繁三朝空錯
 莫對飯一作飲却慚寃自笑我非夫生事多契闊積
 蓄萬古憤向誰得開豁天地一浮雲此身乃毫末

忽見無端倪太虛可包括去去何足道臨岐空復
 愁肝膽不楚越山河亦衾裯雲龍將相從明主會
 見收成功若今本相訪谿一作水桃花流

秋日魯郡堯祠亭上宴別杜補闕范侍御

我覺秋興逸誰云秋興悲山將落日去水與情空
 宜魯酒白玉壺送行駐金羈歇宋本鞍憇古木解
 帶挂橫枝歌鼓川上亭曲度神飈吹一本無以上
歌憶郢客東轉見齊姬清波忽澹蕩白雪雲歸碧
紛透迤一隔范杜遊此歡忽若遺六句
 海夕鴈沒青天時相失各萬里茫然空爾思

留別魯頌

誰道泰山高下却魯連節誰云秦軍衆摧却魯連
舌獨立天地間清風灑蘭雪夫子還侗儻攻文繼
前烈錯落石上松無為秋霜折贈言鏤寶刀千歲
庶不滅

留別曹南羣官之江南

我昔釣白龍放龍谿水傍道成本欲去揮手凌蒼
蒼時來不關人談笑遊軒皇獻納少成事歸休辭
建章十年罷西笑覽鏡如秋霜閉劔琉璃匣鍊丹

紫翠房身佩谿落圖腰垂虎盤囊仙人借一作駕綵

鳳志在窮遐荒戀子四五人徘徊未翱翔東流送

白日驟歌蘭蕙芳仙宮兩無從人間久摧藏范蠡

說勾踐屈平去懷王飄飄紫霞心流浪憶江鄉愁

為萬里別復此一銜觴一作淮水帝王州金陵繞

丹陽樓臺照海色衣馬搖川光及此北望君相思

淚成行朝雲落夢渚瑤草空高堂帝子隔洞庭清

風一作青楓滿瀟湘懷歸一作君路縣邈覽古情淒涼登

嶽眺百川杳然萬恨長却戀峨眉去弄景偶騎羊

留別王司馬嵩

曾連賣談笑豈是顧千金陶朱雖相越本有五一作

江湖心余亦南陽子時為梁甫吟蒼山容偃蹇白

日惜顏侵願一佐明主功成還舊林西來何所為

孤劍託知音鳥愛碧山遠一作鳳集魚遊江海深

呼鷹過上蔡賣畚音本向嵩岑他日閑相訪丘中有

素琴

出金門後書懷留別翰林諸公一作還山

巴知

好古笑流俗素聞賢達風方希佐明主長揖辭成

功白日在青天迴光矚一作照微躬恭承鳳凰詔歛

一作欲起雲羅今本作雲蘿中清切紫霄迴優游丹

禁通君王賜顏色聲價凌煙虹乘輿擁翠蓋扈從

金一作京城東寶馬驟絕景錦衣入新豐倚巖望松

雪對酒鳴絲桐方一作因學楊子雲獻賦甘泉宮天

書美片善清芬宋本播無窮歸來入咸陽談笑皆

王公一朝去金馬飄落成飛蓬賓友一作從日踈散

玉樽亦一作尋已空才力一作長才猶可倚不慚世上雄

詩已

盛唐卷之五

五

閑作一作來東武吟曲盡情未終書此謝知己扁舟

一作滄波尋釣翁
又作滄浪

夜別張五

吾多張公子別酌酣高堂聽歌舞銀燭把酒輕羅
霜橫笛弄秋月琵琶彈陌桑龍泉解錦帶為爾傾
千觴

魏郡別蘇明府因北遊

魏郡接燕趙美女誇芙蓉淇水流碧玉舟車日奔
衝青樓夾兩岸萬室喧歌鍾天下稱豪貴遊此每

相逢一作天下稱豪洛陽蘇季子劔戟森詞鋒六

印雖未佩一作說趙軒車若飛龍黃金數百鎰白

璧有幾雙散盡空掉臂高歌賦還叩一本此下有

其意未可落拓乃如此何人不相從遠別隔兩河

雲山杳千重一作雲天何時更杯酒再得論心骨

畱別西河劉少府

我一作秋髮已種種所為竟無成閑傾魯壺酒笑對

劉公榮謂我是方朔人間落歲星白衣千萬乘何

事去天庭君亦不得意高歌羨鴻冥世人若醢雞

詩經
安可識梅生雖爲刀筆吏
緬懷在赤城余亦如流萍
隨波樂休明自有兩少妾
雙騎駿馬行東山春酒綠
歸隱謝浮名

穎陽別元丹丘之淮陽

吾將元夫子異姓爲天倫
本無軒裳契素以煙霞親
嘗恨迫世網銘意俱未伸
松柏雖寒苦羞逐桃李春
悠悠市朝間玉顏日緇磷
所共重山嶽所得輕埃塵
精魄漸蕪穢衰老相憑因
我有錦囊訣可以持君身
當餐黃金藥去爲紫陽賓
萬事難並立

百年猶崇晨別爾東南去
悠悠多悲辛前志庶不易
遠途期所遵已矣歸去來
白雲飛天津

留別廣陵諸公

一作留別
邯鄲故人

憶昔作少年結交趙與燕
金羈絡駿馬錦帶橫龍泉
寸心無疑事所向非徒然
晚節覺此踈獵精草太玄
空名束壯士薄俗棄高賢
中迴聖明顧揮翰凌雲煙
騎虎不敢下攀龍忽墮天
還家守清真孤潔勵秋蟬
煉丹費火石采藥窮山川
臥海不關人租稅遼東田
乘興忽復起棹歌谿中船
臨醉謝葛

言糸 盛唐卷之五十一
強山公欲倒鞭狂歌自此別垂釣滄浪前

感時畱別從兄徐王延年一作平從弟延陵

天籟何參差融一作怡噫然大塊吹玄元苞一作包橐籥

紫氣何透迤七葉運皇化千齡光本枝仙風生指

樹大雅歌螽斯諸王若鸞蚪肅穆列藩維哲兄錫

茅土聖代含羅一作榮滋九卿領徐方七步繼陳思

伊昔全盛日雄豪動京師冠劍朝鳳闕樓船侍龍

池鼓鐘出朱邸金翠照丹墀君王一顧盼選色獻

蛾眉列戟十八年未曾輒遷移大臣小暗鳴謫竄

天南垂長沙不足舞貝錦且成詩佐郡浙江西病

閑絕趨一作驅馳階軒日苔蘚鳥雀噪簷帷時乘平

一作小肩輿出入畏人知北宅聊偃憩歡愉恤惇嫠

羞言梁苑地烜赫耀旌旗兄弟八九人吳秦各分

離大賢達機兆豈獨慮安危小子謝麟閣鴈行忝

肩隨令弟字延陵鳳毛出天姿清英神仙骨芬馥

蒞蘭蕤夢得春草句將非惠連誰深心紫河車與

我特相宜金膏猶罔象玉液尚磷緇伏枕寄賓館

宛同清漳湄藥物多見饋珍羞亦兼之誰道溟渤

詩紀

盛唐卷之五十一

八

言
深猶言淺恩慈鳴蟬遊子意促織念歸期驕陽何
太今本赫海水爍龍龜百川盡凋枯舟楫閣中達
作火策馬搖宋本涼月通宵出郊岐一作泣別目眷眷
傷心步遲遲願言保明德王室佇清夷摻袂何所
道援毫投此辭

留別金陵諸公

海水昔飛動三龍紛戰爭鍾山危波瀾傾側駭奔
鯨黃旗一掃蕩割壤開吳京六代更霸王遺跡見
都城一作遺都至今秦淮間禮樂秀羣英地扇鄒
見空城

魯學詩騰顏謝名五月金陵西祖余白下亭欲尋
廬峯頂先遶漢水行香爐紫煙滅瀑布落太清若
攀星辰去揮手緬含情

金陵白下亭留別

驛亭三楊樹正當白下門吳煙暝長條漢水齧古
根向來送行處迴首阻笑言別後若見之爲余一
攀翻

竄夜郎於烏江留別宗十六璟

君家全盛日台鼎何陸離斬鼉翼媧皇鍊石補天

維一迴日月顧三入鳳皇池失勢青門傍種瓜復
 幾時猶會衆賓客三千光路岐皇恩雪憤憊松柏
 含榮滋我非東牀人令姊忝齊眉浪跡未出世空
 名動京師過遭雲羅解翻謫一作遺夜郎悲拙妻莫
 邪劍及此一作此二龍隨慙君湍波苦千里遠從之
 白帝曉猿斷黃牛過客遲遙瞻明月峽西去益相
 思

將遊衡嶽過漢陽雙松亭留別族弟洵屠

談皓

秦欺趙氏璧却入邯鄲宮本是楚家玉還來荆山

中符一作冊彩照滄溟精一作清輝凌白虹青蠅一作相

點流落此時同卓絕道門秀談玄乃支公延蘿結

幽居剪竹繞芳叢涼花拂戶牖天籟一作樂鳴虛空

憶我初來時葡萄開景風今茲大火落秋葉黃梧

桐水色夢沅湘長沙去何窮寄書訪衡嶠但與南

飛鴻

留別賈舍人至二首

大梁白雲起飄颻來南洲徘徊蒼梧野十見羅浮

詩已

盛唐卷之五十六

秋鰲抃

今本
作抃

山海傾四溟揚洪流意欲托孤鳳

一作

鴈

從之摩天遊鳳苦道路難翱翔還崑丘不肯銜

我去哀鳴慙不周

一作
雷

遠客謝主人明珠難暗投

拂拭倚天劍西登岳陽樓長嘯萬里風掃清胷中

憂誰念劉越石化為繞指柔

秋風吹胡霜凋此簷下芳折芳怨歲晚離別悽以

傷謬攀青瑣賢延我於此

一作
此

堂君為長沙客我

獨之夜郎勸此一杯酒豈惟道路長割珠兩分贈

寸心貴不忘何必兒女仁相看淚成行

聞李太尉大舉秦兵百萬出征東南歸夫

請纓冀申一割之用半道病還留別金陵

崔侍御十九韻

秦出天下兵蹴踏燕趙傾黃河飲馬竭赤羽連天

明太尉仗旄鉞雲旗繞彭城三軍授號令千里肅

雷霆函谷絕飛鳥武關擁連營意在斬巨鰲何論

鯢與鯨

一作膾
長鯨

恨無左車畧多愧魯連生拂劍照

嚴霜雕戈鬢胡纓願雪會稽耻將期報恩榮半道

謝病還無因

一作
由

東南征亞夫未見顧劇孟阻先

言終
行天奪壯士心長吁別吳京金陵遇太守倒屣欣
一作相逢迎羣公咸祖餞四座羅朝英初發臨滄觀
醉棲征虜亭舊國見秋月長江流寒聲帝車信廻
轉河漢復縱橫孤鳳向西海飛鴻辭北溟因之出
廖廓揮手謝公卿

別韋少府

西出蒼龍門南登白鹿原欲尋商山皓猶戀漢皇
恩水國遠行邁仙經深討論洗心向谿一作秋月清
耳敬亭猿築室在人境閉關無世喧多君枉高駕

贈我以微言交乃意氣合道因風雅存別離有相
思瑤瑟與金樽

盛唐第五十六

盛唐第五十七

唐詩紀一百十七

鄆郡吳 瑄彙編

永嘉周才甫同校

李白 九

五言古詩 九

遊泰山六首

一作天寶元年四月
從故御道上泰山

四月上泰山石平

一作屏

御道開六龍過萬壑澗谷

隨縈迴馬跡遶碧峯于今滿青苔飛流灑絕巘水

急松聲哀北眺嶧嶂奇傾崖向東摧洞門閉石扇

詩紀

盛唐詩之五十七

一

言糸

一作

地底興雲雷登高望蓬瀛想像金銀

宋本臺

天門一長嘯萬里清風來玉女四五人飄飄下九

垓含笑引素手遺我流霞杯稽首再拜之自愧非

仙才曠然小宇宙棄世何悠哉

清曉騎白鹿直上天門山山際逢羽人方瞳好容

顏捫蘿欲就語却掩青雲關遺我鳥跡書飄然落

巖間其字乃上古讀之了不閑感此三歎息從師

方未還

平明登日觀舉手開雲關精神四飛揚如出天地

間黃河從西來窈窕入遠山憑崖覽

一作

八極目

盡長空閑偶然值青童綠髮雙雲鬟笑我晚學仙

蹉跎凋朱顏躊躇忽不見浩蕩難追攀

清齋三十日裂素寫道經吟誦有所得衆神衛我

形雲行信長風颯若羽翼生攀崖上日觀伏檻窺

東溟海色動遠山天雞已先鳴銀臺出倒景白浪

翻長鯨安得不死藥高飛向蓬瀛

日觀東北傾兩崖夾雙石海水落眼前天光遙空

碧千峯爭攢聚萬壑絕凌歷緬彼鶴上仙去無雲

詩已

盛唐卷之五十七

七

言絲
中跡長松入霄漢遠望不盈尺山花異人間五月
雪中白終當遇安期於此鍊玉液

朝飲王母池暝投天門關獨抱綠綺琴夜行青山
間山明月露白夜靜松風歇仙人遊碧峯處處笙
歌發寂聽娛清暉玉真連翠微想像鸞鳳舞飄颻
龍虎衣捫天摘瓠瓜恍惚不憶歸舉手弄清淺誤
攀織女機明晨坐相失但見五雲飛

遊南陽白水登石激作

朝涉白水源暫與人俗踈島嶼佳境色江天涵清

虛目送去海雲心閑遊川魚長歌盡落日乘月歸
田廬

遊南陽清泠泉

惜彼落日暮愛此寒泉清西輝逐流水蕩漾遊子
情空歌望雲月曲盡長松聲

尋魯城北范居士失道落蒼耳中見范置
酒摘蒼耳作

鴈度秋色遠日靜無雲時客心不自得浩漫將何
之忽憶范野人閉園養幽姿茫然起逸興但恐行

言糸 屈唐卷之五十七 三
來遲城壕失往路馬首迷荒陂不惜翠雲裘遂爲
蒼耳欺入門且一笑把臂君爲誰酒客愛秋蔬山
盤薦霜梨他筵不下筯此席忘朝饑酸棗垂北郭
寒瓜蔓東籬還傾四五酌自詠猛虎詞近作十日
歡遠爲千載期風流自簸蕩謔浪偏相宜酣來上
馬去却笑高陽池

秋獵孟諸夜歸置酒單父東樓觀妓

傾暉速短炬走海無停川冀餐圓丘草欲以還頽
年此事不可得微生若浮煙駿發跨名駒雕弓控

鳴弦鷹豪魯草白狐兔多肥鮮邀遮相馳逐遂出
城東田一掃四野空喧呼鞍馬前歸來獻所獲炮
煮宜霜天出舞兩美人飄颻若雲仙畱歡不知疲
清曉方來旋

與從姪杭州刺史良遊天竺寺

挂席凌蓬丘觀濤憩樟樓三山動逸興五馬同遨
遊天竺森在眼松風颯驚秋覽雲測變化弄水窮
清幽疊障隔遙海一作響當軒寫歸流詩一作轉成傲
雲月佳趣滿吳洲

同友人舟行遊台越作

楚臣傷江楓謝客拾海月懷沙去瀟湘挂席泛溟
渤蹇予訪前跡獨往造窮髮古人不可攀去若浮
雲沒願言弄倒景從此鍊真骨華頂窺絕溟蓬壺
望超忽不知青春度但怪綠芳歇空持釣鰲心從
此謝魏闕

下終南山過斛斯山人宿置酒

暮從碧山下山月隨人歸却顧所來徑蒼蒼橫翠
微相攜及田家童稚一作稚子開荆扉綠竹入幽軒一作

徑青蘿拂行衣歡言得所憩美酒聊共揮長歌吟
松風曲盡河星稀我醉君復樂陶然共忘機

朝下過盧郎中叙舊遊

君登金華省我入銀臺門幸逢聖明主俱承雲雨
恩復此休浣時閑為疇昔言却話山海事宛然林
壑存明湖思曉月疊嶂憶清猿何由返初服田野
醉芳樽

邯鄲南亭觀妓

歌鼓一作妓燕趙兒魏姝弄鳴絲粉一作粉色豔月彩一作豔

爍日 舞袖一作拂花枝把酒顧美人請歌邯鄲詞
彩 清箏何繚繞度曲綠雲垂平原君安在科斗生古
 池座客三千人于今知有誰我輩不作樂但爲後
 代悲

春遊羅敷潭

行歌入谷口路盡無人躋攀崖度絕壑弄水尋迴
 谿雲從石上起客到花間迷淹留未盡興日落羣
 峯西

春陪商州裴使君遊石娥谿

時欲東歸遂有此贈

裴公有仙標拔俗數千丈澹蕩滄洲雲飄飄紫霞
 想剖竹商洛間政成心已閑蕭條出世表冥寂閉
 玄關我來屬芳節解榻時相悅舉帷對雲峯揚袂
 指松雪暫出東城邊遂遊西巖前橫天聳翠壁噴
 壑鳴紅泉尋幽殊未歇愛此春光發谿傍饒名花
 石上有好月命駕歸去來露華生綠一作苔淹留
 惜將晚復聽清猿哀清猿斷人腸遊子思故鄉明
 發首東路此歡焉可忘

春日陪楊江寧及諸官宴北湖感古作

昔聞顏光祿攀龍宴重一作京湖樓船入天鏡帳

殿開雲衢君王歌大風如樂豐沛都延年獻佳作

邈與詩人俱我來不及此獨立鍾山孤楊宰穆清

飈一作風芳聲騰海隅英僚滿四座一作光粲若一作

然瓊林敷鷓首弄倒景蛾眉綴明珠新絃采一作

梨園古舞嬌吳歛曲度繞雲一作清漢聽者一作四座皆

歡娛雞棲何嘈嘈一作江月沸笙竽古之帝宮

苑今乃人樵蘇感此勸一觴願君覆瓢壺榮盛一作

盛時當作樂無令後賢吁

宴鄭參卿山池

爾恐碧草晚我畏朱顏移愁看楊花飛置酒正相

宜歌聲送落日舞影迴清池今夕不盡杯留歡更

邀誰

遊謝氏山亭

淪老卧江海再歡天地清病閑久寂寞歲物徒芬

榮借君西地遊聊以散我情掃雪一作雲松下去捫

蘿石道行謝公池塘上春草一作風颯已生花枝拂

人來山鳥向我鳴田家有美酒落日與之傾醉罷

寺記

盛唐卷之五十一

七

言糸
盛唐卷之五十一
弄歸月遙欣稚子迎

金陵鳳凰臺置酒

置酒延落景金陵鳳凰臺長波寫萬古心與雲俱
開借問往昔時鳳凰爲誰來鳳凰去已久正當今
日迴明君越義軒天老坐三台豪士無所用彈絃
醉金罍東風吹山花安可不盡杯六帝沒幽草深
宮冥綠苔置酒勿復道歌鐘但相催

秋浦清谿雪夜對酒客有唱山鷓鴣者

披我貂襜褕對君白玉壺雪花酒上滅頓覺夜寒

無客有桂陽至能吟山鷓鴣清風動牕竹越鳥起
相呼持此足爲樂何煩笙與竽

與周剛清谿玉鏡潭宴別

潭在秋浦桃樹
陂下予新名此

潭

康樂上官去永嘉遊石門江中有孤嶼千載跡猶
存我來憩秋浦三入桃陂源千峯照一作積雪萬
壑盡啼猿興與謝公合文因周子論掃厓去落葉
帶一作月開酒一作樽谿當大樓南谿水正南奔
迴作玉鏡潭澄明洗心覓此中得佳境可以絕囂

詩記

盛唐卷之五十一

八

言系
盛唐卷之五十一
八
喧清夜方歸來酣歌出平原別後經此地爲余謝
蘭蓀

泛沔州城南郎官湖 并序

乾元歲秋八月白遷於夜郎遇故人尚書郎張
謂出使夏口沔州牧杜公漢陽宰王公觴于江
城之南湖樂天下之再平也方夜水月如練清
光可掇張公殊有勝槩四望超然乃顧白曰此
湖古來賢豪遊者非一而枉踐佳景寂寥無聞
夫子可爲我標之嘉名以傳不朽白因舉酒酌

水號之曰郎官湖亦猶鄭圃之有僕射陂也席
上文士輔翼岑靜以爲知言乃命賦詩紀事刻
石湖側將與大別山共相磨滅焉

張公多逸興共泛沔城隅當時秋月好不減武昌
都四座醉清光爲歡古來無郎官愛此水因號郎
官湖風流若未減名與此山俱

夜泛洞庭尋裴侍御清酌

日晚湘水綠孤舟無端倪明湖漲秋月獨泛巴陵
西遇憩裴逸人巖居陵丹梯抱琴出深竹爲我彈

言糸
鷓鴣曲盡酒亦傾北窓醉如泥人生且行樂何必
組與珪

與南陵常贊府遊五松山

安石泛溟渤獨嘯長風還逸韻動海上高情出人
間靈異可並跡澹然與世閑我來五松下置酒窮
躋攀徵古絕遺老因名五松山五松何清幽勝境
美沃州蕭颯鳴洞壑終年風雨秋響入百泉去聽
如三峽流剪竹掃天花且從傲吏遊龍堂若可憩
吾欲歸精修

宣城青谿二首

一作入
青谿山

青谿勝桐廬水木有佳色山貌日高古石容天傾
側彩鳥昔未名白猿初相識不見同懷人對之空
歎息

青谿清我心水色異諸水借問新安江見底何如
此人行明鏡中鳥弄一作度屏風裏向晚猩猩啼空
悲遠遊子

遊水西簡鄭明府

天宮水西寺雲錦照東郭清湍鳴迴谿綠水繞飛

言糸
閣涼風日瀟灑幽客時憩泊五月思貂裘謂言秋
霜落石蘿引古蔓岸筍開新籜吟翫空復情相思
爾佳作鄭公詩人秀逸韻宏寥廓何當一來遊愜
我雪山諾

九日登山

淵明歸去來不與世相逐爲無杯中物遂偶本州
牧因招白衣人笑酌黃花菊我來不得意虛過重
陽時題輿何俊發遂結城南期築土按響山俯臨
宛水湄胡人叫玉笛越女彈霜絲自作英王胄斯

樂不可窺赤鯉湧琴高白龜道水夷靈仙如彷彿
奠酌遙相知古來登高人今復幾人在滄洲違宿
諾明日猶可待連山似驚波合沓出溟海揚袂揮
四座酩酊安所知齊歌送清觴起舞亂參差賓隨
落葉散帽逐秋風吹別後登此臺願言長相思

九日

今日雲景好水綠秋山明攜壺酌流霞塞菊泛寒
榮地遠松石古風揚絃管清窺觴照歡顏獨笑還
自傾落帽醉山月空歌懷友生

陪族叔當塗宰遊化城寺升公清風亭

化城若化出金榜天宮開疑是海上雲飛空結樓
 臺升公湖山秀粲然有辯才濟人不利已立俗無
 嫌猜了見水中月青蓮出塵埃閑居清風亭左右
 清風來當暑陰廣殿太陽為徘徊茗酌待幽客珍
 盤薦彫梅飛文何灑落萬象為之摧季父擁鳴琴
 德聲布雲雷雖遊道林室亦舉陶潛杯清樂動諸
 天長松自吟哀畱歡若可盡劫石乃成灰

登錦城散花樓

日照錦城頭朝光散花樓金牕夾繡戶珠箔懸瓊
一作銀鈎飛梯綠雲中極目散我憂暮雨向三峽春
 江繞雙流今來一登望如上九天遊

登峨眉山

蜀國多仙山峨眉嶺邈難匹周流試登覽絕怪安可
 悉青冥倚天開一作彩錯疑畫出冷然紫霞賞果
 得錦囊術雲間吟一作瓊簫石上弄寶瑟平生有
 微尚歡笑自此畢煙容如在顏塵累忽相失儻逢
 騎羊子攜手凌白日

大庭庫

朝登大庭庫雲物何蒼然莫辨陳鄭火空靈鄒魯
煙我來尋梓慎觀化入寥天古木翔氣多松風如
五絃帝圖終冥沒歎息滿山川

登單父陶少府半月臺

陶公有逸興不與常人俱築臺像半月迴出一作迴向
高城隅置酒望白雲商飈起寒梧秋山入遠海桑
柘羅平蕪水色淥且明一作清令人思鏡湖終當過
江去愛此暫踟蹰

天台曉望

天台鄰四明華頂高百越門標赤城霞樓棲滄島
月憑高登遠覽直下見溟渤雲垂大鵬翻波動巨
鼇沒風潮爭洶湧神怪何翕忽觀竒跡無倪好道
心不歇攀條摘朱實服藥鍊金骨安得生羽毛千
春卧蓬闕

焦山望松寥山

石壁望松寥宛然在碧霄安得五彩虹架天作長
橋仙人如愛我舉手來一作兩相招

寺已

盛唐卷之五十七

七

登太白峯

西上太白峯夕陽窮登攀太白與我語爲我開天
關願乘冷風去直上浮雲間舉手可近月前行若
無山一別武功去何時復見還

登邯鄲洪波臺置酒觀發兵

我把兩赤羽來遊燕趙間天狼正可射感激無時
閑觀兵洪波臺倚劔望玉關請纓不繫越且向燕
然山風引龍虎旗歌鐘昔一作憶追攀擊筑落高月
投壺破愁顏遙知百戰勝定掃鬼方還

登金陵冶城西北謝安墩

此墩卽晉太傅謝安與右軍王

羲之同登超然有高世之志余將營園其上故作是詩也

晉室昔橫潰永嘉遂南奔沙塵何茫茫龍虎鬪朝
昏胡馬風漢草天驕蹙中原哲匠感頽運雲鵬忽
飛翻組練照楚國旌旗連海門西秦百萬衆戈甲
如雲屯投鞭一作策可填江一掃不足論一作一朝爲我吞
皇運有返正醜虜無遺覓談笑遏橫流蒼生望斯
存冶城訪古跡一作至今古成隅猶有謝安墩憑覽周地
險高標絕人喧想像東山姿緬懷右軍言梧桐識

嘉樹蕙草留芳根白鷺映春洲青龍見朝暎地古
雲物在臺傾禾黍繁我來酌清波於此樹名園功
成拂衣去歸入一作長孺武陵源

翫月金陵城西孫楚酒樓達曙歌吹日晚
乘醉著紫綺裘烏紗巾與酒客數人棹歌
秦淮往石頭訪崔四侍御

昨翫西城月青天垂玉鉤朝沽金陵酒歌吹孫楚
樓忽憶繡衣人乘船往石頭草裏烏紗巾倒被紫
綺裘兩岸拍手笑疑是王子猷酒客十數公崩騰

醉中流謔浪掉海客喧呼傲陽侯半道逢吳姬卷
簾出揶揄我憶君到此不知狂與羞月下一見君
三杯便迴橈捨舟共連袂行上南渡橋興發歌淥
水秦客爲之謳宋本作秦客作之謠雞鳴復相招清宴逸雲
霄贈我數百字字字凌風颭繫之衣裘上相憶每
長謠

盛唐第五十七

盛唐第五十八

唐詩紀一百十八

鄆郡吳 瑄彙編

永嘉周才甫同校

李白^十

五言古詩^十

荆門浮舟望蜀江

春水月峽來浮舟望安極正是桃花流依然錦江
色江色綠且明茫茫與天平逶迤巴山盡搖曳楚
雲行雪照聚沙鴈花飛出谷鶯芳洲却已轉碧樹

詩已

盛唐卷之五十一

一

言終
廬山卷之五十八
森森迎流目浦煙夕揚帆海月生江陵識遙火應
到渚宮城

望廬山瀑布水

西登香爐峯南見瀑布水挂流三百一作千丈噴壑
數十里歛如飛電一作練來隱若白虹起初驚河漢
一作銀河落半灑雲天裏一作金潭裏仰觀勢轉雄壯哉
造化功海風吹不斷江一作山月照還空空亂滾
射左右洗青壁飛珠散輕霞流沫沸穹石而我樂
名山對之心益閑無論漱瓊液且得洗塵顏仍一作

且諸宿所好永願辭人間

江上望皖公山

奇峯出奇雲秀水含秀氣清宴皖公山巉絕稱人
意獨遊滄江上終日淡無味但愛茲嶺高何由討
靈異默然遙相許欲往心莫遂待吾還丹成投跡
歸此地

望黃鶴樓

東望黃鶴山雄雄半空出四面生白雲中峯倚紅
日巖巒行穹跨峯嶂亦冥密頗聞列仙人於此學

飛術一朝向蓬海千載空石室金竈生煙埃玉潭
秘清謐地古遺草木庭寒老芝朮蹇予羨攀躋因
欲保閑逸觀竒徧諸嶽茲嶺不可匹結心寄青松
永悟客情畢

九日登巴陵置酒望洞庭水軍

時賊逼
華容縣

九日天氣清登高無秋雲造化闢川嶽了然楚漢
分長風鼓橫波合沓蹙龍文憶昔傳遊豫樓船壯
橫汾今茲討鯨鯢旆何繽紛白羽落酒樽洞庭
羅三軍黃花不掇手戰鼓遙相聞劒舞轉頽陽當

時日停曛酣歌激壯士可以摧妖氛齷齪東籬下
淵明不足羣

秋登巴陵望洞庭

清晨登巴陵周覽無不極明湖映天光徹底見秋
色秋色何蒼然際海俱澄鮮山青滅遠樹水綠無
寒煙來帆出江中去鳥向日邊風清長沙浦霜空
雲夢田瞻光惜頽髮閱水悲徂年北渚旣蕩漾東
流自潺湲郢人唱白雪越女歌采蓮聽此更腸斷
憑崖淚如泉

金陵望漢江

漢江迴萬里，派作九龍盤。橫潰豁中國，崔嵬飛迅湍。六帝淪亡後，三吳不足觀。我君混區宇，垂拱衆流安。今日任公子，滄浪罷釣竿。

登敬亭北二小山，余時送客逢崔侍御並

登此地

送客謝亭北，逢君縱酒還。屈盤戲白馬，大笑上青山。迴鞭指長安，西日落秦關。帝鄉三千里，杳在碧雲間。

入彭蠡經松門觀石鏡，緬懷謝康樂題詩

書遊覽之志

謝公之彭蠡，因此遊松門。余方窺石鏡，兼得窮江源。欲將繼風雅，豈徒清心魂。前賞逾所見，後來道空存。况屬臨汎美，而無洲渚喧。漾水向東去，漳流直南奔。空濛三川夕，迴合千里昏。青桂隱遙月，綠楓鳴愁猿。水碧或可采，金精秘莫論。吾將學仙去，冀與琴高言。

冀與琴高言

又過彭蠡湖云謝公入彭蠡因此遊松門余方窺石鏡兼得窮江源前賞迹可見後來道空存而欲繼風雅豈唯清心竟雲海方助興波濤何足論青嶂憶遙月綠蘿鳴愁猿

言系
水碧或可采全膏秘莫言余將振衣去
羽化出囂煩與此小有異同今並存之

安州應城玉女湯作

神女歿幽境湯池流大川陰陽結炎炭造化開靈
泉地底爍朱火沙傍歆素煙沸珠躍晴一作月皎
鏡涵空天氣浮蘭芳滿色漲桃花然精覽萬殊入
潛行七澤連愈疾功莫尚變盈道乃全濯纓掬清
泚晞髮弄潺湲散下楚王國分澆宋玉田可以奉
巡幸柰何隔窮偏獨隨朝宗水赴海輸微涓

之廣陵宿常二南郭幽居

綠水接柴門有如桃花源忘憂或假草滿院羅叢
萱暝色湖上來微雨飛南軒故人宿茅宇夕鳥栖
楊園還惜詩酒別深爲江海言明朝廣陵道獨憶
此傾樽

宿清谿主人

夜到清谿宿主人碧巖裏簷楹挂星斗枕席響風
水月落西山時啾啾夜猿起

過汪氏別業二首

遊山誰可遊子明與浮丘疊嶺礙河漢連峯橫斗

牛汪生面北阜池館清且幽一作清幽我來感意氣
槌魚列珍羞掃石待歸月開池漲寒流酒酣益爽
氣為樂不知秋

疇昔未識君知君好賢才隨山起館宇鑿石營池
臺星一作火五月中景風從南來數枝石榴發一
丈荷花開恨不當此時相過醉金罍我行值木落
月苦清猿哀永夜達五更吳歛送瓊杯酒酣欲起
舞四座歌相催日出遠海明軒車且徘徊更遊龍
潭去枕石拂莓苔

題隨州紫陽先生壁

神農好長生風俗久已成復聞紫陽客早署丹臺
名喘息餐妙氣步虛吟真聲道與古仙合心將元
化并樓疑出蓬海鶴似飛玉京松雪牕外曉池水
階下明忽耽笙歌樂頗失軒冕情終願惠金液提
攜凌太清

題元丹丘山居

故人棲東山自愛丘壑美青春卧空林白日猶不
起松風清襟袖石潭洗心耳羨君無紛喧高枕碧

霞裏

題元丹丘潁陽山居

并序

丹丘家于潁陽新卜別業其地北倚馬嶺連峯
嵩丘南瞻鹿臺極目汝海雲巖映鬱有佳致焉
白從之遊故有此作

仙遊渡潁水訪隱同元君忽遺蒼生望獨與洪崖
羣卜地初晦跡興言且成文却顧北山斷前瞻南
嶺分遙通汝海月不隔嵩丘雲之子合逸趣而我
欽清芬舉跡倚松石談笑迷朝曛終願狎青鳥拂

衣棲江濱

洗脚亭

白道向姑熟洪亭臨道傍前有昔時井下有五丈
牀樵女洗素足行人歇金裝西望白鷺洲蘆花似
朝霜送君此時去回首淚成行

題金陵王處士水亭

此亭蓋齊朝南苑
又晉陸機故宅

王子耽玄言賢豪多在門好鷺尋道士愛竹嘯名
園樹色秀一作老荒苑池光蕩華軒北堂見明月更
憶陸平原掃拭一作此青玉簞為余置金樽醉罷一作

寺記

盛唐卷之五十八

七

後欲歸去花枝宿鳥喧何時復來此再得洗囂煩

題嵩山逸人元丹丘山居

并序

白父在廬霍元公近遊嵩山故交深情出處無
間巖信頻及許爲主人欣然適會本意當冀長
往不返欲便舉家就之兼書共遊因有此贈

家本紫雲山道風未淪落沈懷丹丘志冲賞歸寂
寞竭來遊閩荒捫涉窮禹鑿黃緣泛潮海偃蹇陟
廬霍憑雷躡天窓弄景憩霞閣且欣登眺美頗愜
隱淪諾三山曠幽期四岳聊所託故人契嵩賴高

義炳丹牖滅跡遺紛囂終言本峯壑自矜林湍好
不羨朝市樂偶與真意并頓覺世情薄爾能折芳
桂吾亦采蘭若拙妻好乘鸞嬌女愛飛鶴提攜訪
神仙從此鍊金藥

題江夏靜修寺

此寺本李北海舊宅

我家北海宅作寺南江濱空庭無玉樹高殿坐幽
人書帶留青草琴堂一作臺幕素塵平生種桃李寂
滅不成春

紀南陵題五松山

寺記

盛唐卷之五十八

聖達有去就潛光愚其德魚與龍同池龍去魚不
 測當時版築輩豈知傳說情一朝雨一作殷人光
 氣為列星伊尹生空桑捐庖佐皇極桐宮放太甲
 攝政無愧色三年帝道明委質終輔翼曠哉至人
 心萬古可為則時命或大謬仲尼將柰何鸞鳳忽
 覆巢麒麟不來過龜山蔽魯國有斧且無柯歸來
 歸去來宋本作歸去來歸去宵濟越洪波

與元丹丘方城寺談玄作

茫茫大夢中惟我獨先覺騰轉風火來假合作容

貌滅除昏疑盡領畧入精要澄慮觀此身因得通
 寂照朗悟前後際始知金仙妙幸逢禪居人酌玉
 坐相召彼我俱若喪雲山豈殊調清風生虛空明
 月見談笑怡然青蓮宮永願恣遊眺

尋高鳳石門山中元丹丘

尋幽無前期乘興不覺遠蒼崖渺難涉白石忽欲
 晚未窮三四山已歷千萬轉寂寂聞猿愁行行見
 雲收高松上今本作好月空谷宜清秋谿深古雪在
 石斷寒泉流峯巒秀中天登眺不可盡丹丘遙相

言糸
五唐卷之五十一
九
呼顧我忽而哂遂造窮谷間始知靜者閑留歡達
永夜清曉方言還

安州般若寺水閣納涼喜遇薛員外又

翛然金園賞遠近含晴光樓臺成海氣草木皆天
香忽逢青雲士共解丹霞裳水退池上熱風生松
下涼吞討破萬象褰窺臨衆芳而我遺有漏與君
用無方心垢都已滅永言題禪房

月下獨酌四首

花間

一作下
又作前

一壺酒獨酌無相親舉杯邀明月對

影成三人月既不解飲影徒隨我身暫伴月將影
行樂須及春我歌月徘徊我舞影凌亂醒時同交
歡醉後各分散永結無情遊相期邈雲漢

畔

一作相
期碧巖

天若不愛酒酒星不在天地若不愛酒地應無酒
泉天地既愛酒愛酒不愧天已聞清比聖復道濁
如賢賢聖既已飲何必求神仙三杯通大道一斗
合自然但得醉

一作
酒

中趣勿爲醒者傳

三月咸陽城千花晝如錦

一作好鳥吟清風落花
散如錦又作園鳥語成

詩已

咸陽城千花晝如錦

一

歌庭花
笑如錦誰能春獨愁對此徑須飲窮通與脩短造化夙所稟一樽齊死生萬事固難審醉後失天地兀然就孤枕不知有吾身此樂最為甚

窮愁千萬

一作有千

端美酒三百

一作唯數

杯愁多酒雖少

酒傾愁不來所以知酒

一作賢

聖酒甘心自開辭粟

卧首陽

一作伯夷

屢空饑顏回當代不樂飲虛名安用

哉蟹螯卽金液糟丘是蓬萊且須飲美酒乘月醉

高臺

春歸終南山松龕舊隱

我來南山陽事事不異昔却尋谿中水還望巖下石薔薇緣東牕女蘿遶北壁別來能幾日草木長數尺且復命酒樽獨酌陶永夕

冬夜醉宿龍門覺起言志

醉來脫寶劍旅憩高堂眠中夜忽驚覺起立明燈前開軒聊直望曉雪河水壯哀哀歌苦寒鬱鬱獨惆悵傳說版築臣李斯鷹犬人歛起匡社稷寧復長艱辛而我胡為者歎息龍門下富貴未可期殷憂向誰寫去去淚滿襟舉聲梁甫吟青雲當自致

言系
何必求知音

尋山僧不遇作

石徑入丹壑松門閉青苔閑階有鳥跡禪室無人
開窺牕見白拂挂壁生塵埃使我空歎息欲去仍
徘徊香雲徧今本作隔山起花雨從天來已有空樂好
况聞清猿哀了然絕世事此地方悠哉

獨酌

春草如有意羅生玉堂陰東風吹愁來白髮坐相
侵獨酌勸孤影閑歌面芳林長松爾何知一作本無情

蕭瑟爲誰吟手舞石上月膝橫花月此一壺
外悠悠非我心

友人會宿

滌蕩千古愁留連百壺飲良宵宜清談皓然一作月
誰一作未能寢醉來卧空山天地即衾枕

春日獨酌二首

東風扇淑氣水木榮春暉白日照綠草落花散且
飛孤雲還空山衆鳥各已歸彼物皆有託吾生獨
無依對此石上月長歌醉芳菲

我有紫霞想緬懷滄洲間思一作對一壺酒澹然
萬事閑橫琴倚高松把酒望遠山長空去鳥沒落
日孤雲還但恐光景晚宿昔成秋顏

金陵江上遇蓬池隱者

時於落星石上以紫綺裘換酒為歡

心愛名山遊身隨名山遠羅浮麻姑臺此去或未
返遇君蓬池隱就我石上飯空言不成歡強笑惜
日晚綠水向鴈關一作黃雲蔽龍山歎息兩客鳥
徘徊吳越間一作語一執手留連夜將久解我
紫綺裘且換金陵酒酒來笑復歌興酣樂事多水

影弄月色清光柰愁何明晨挂帆席離恨滿滄波

嵩山采菖蒲者

神人多古貌雙耳下垂肩嵩嶽逢漢武疑是九疑
仙我來采菖蒲服食可延年言終忽不覓滅影入
雲煙喻帝竟莫悟終歸茂陵田

月夜聽盧子順彈琴

閑坐夜明月幽人彈素琴忽聞悲風調宛若寒松
吟白雪亂纖手淥水清虛心鍾期久已沒世上無
知音

言絲 盛唐卷之五十八 十三

金陵聽韓侍御吹笛

韓公吹玉笛，個儻流英音。風吹繞鍾山，萬壑皆龍吟。王子停鳳管，師襄掩瑤琴。餘韻渡江去，天涯安可尋。

魯東門觀刈蒲

魯國寒事早，初霜刈渚蒲。揮鎌若轉月，拂水生連珠。此草最可珍，何必貴龍鬚。織作玉牀席，欣承清夜娛。羅衣能再拂，不畏素塵蕪。

盛唐第五十八

盛唐第五十九

唐詩紀一百十九

鄆郡吳瑄彙編

永嘉周才甫同校

李白

十一

五言古詩

十一

上三峽

巫山夾青天，巴水流若茲。巴水忽可盡，青天無到時。三朝上黃牛，三暮行太遲。三朝又三暮，不覺鬢成絲。

詩已

盛唐卷之五十八

十一

自巴東舟行經瞿塘峽登巫山最高峯晚還題壁

江行幾千里海月十五圓始經瞿塘峽遂步巫山
巔巫山高不窮巴國盡所歷日邊攀垂蘿霞外倚
穹石飛步凌絕頂極目無纖煙却顧失丹壑仰觀
臨青天青天若可捫銀漢去安在望雲知蒼梧記
水辨瀛海周遊孤光晚歷覽幽意多積雪照空谷
悲風鳴森柯歸途行欲曛佳趣尚未歇江寒早啼
猿松暝已吐月月色何悠悠清猿響啾啾辭山不

忍聽揮策還孤舟

自廣平乘醉走馬六十里至邯鄲登城樓

覽古書懷

醉騎白花駱一作馬西走邯鄲城揚鞭動一作度柳色

寫鞞春風生入郭登高樓山川與雲平深宮翳綠

草一作雄都萬事傷人情相如章華巔猛氣折秦

羸兩虎不可闔廉公終負荆提攜袴中兒杵臼及

程嬰立孤就白刃一作空孤必死耀丹誠平原三

千客談笑盡豪英毛君能穎脫二國且同盟皆為

黃泉土使我涕縱橫磊磊石子岡蕭蕭白楊聲諸
賢沒此地碑版有殘銘太古共今時由來互一作
哀榮傷哉何足道感激仰空一作名趙俗愛長
文儒少逢迎閑從博陵一作遊悵飲雪朝醒歌酣
易水動鼓震叢臺傾日落把燭歸凌晨向燕京方
陳五餌策一使胡塵清

下涇縣陵陽谿至澀灘

澀灘鳴嘈嘈兩山足猿猱白波若卷雪側足不容
舠漁子與舟人撐折萬張篙

下陵陽沿高谿三門六刺灘

三門橫峻灘六刺走波瀾石驚虎伏起水狀龍縈
盤何慙七里瀨使我欲垂竿

宿鰕湖

雞鳴發黃山暝投鰕湖宿白雨映寒山森森似銀
竹提攜采鉛客結荷水邊沐半夜四天開星河爛
人目明晨大樓去崗隴多屈伏當與持斧翁前谿
伐雲木

宣城長史弟昭贈余琴谿中雙舞鶴詩以

見志

令弟佐宣城贈余琴谿鶴謂言天涯雪忽向牕前
落白玉為毛衣黃金不肯博背風振六翮對舞臨
山閣顧我如有情長鳴似相託何當駕此物與爾
騰寥廓

白田馬上聞鶯

黃鸝啄紫椹五月鳴桑枝我行不記日誤作陽春
時蠶老客未歸白田已繰一作繰絲一作吳人驅馬
又前去捫心空自悲

日夕山中忽然有懷

久卧名

今本
作青

山雲遂為名

今本
作青

山客山深雲更好

賞弄終日夕月銜樓間峯泉漱階下石素心自此
得真趣非外惜颺啼桂方秋風滅籟歸寂緬思洪
厓術欲往滄海隔雲車來何遲撫已空歎息

春日醉起言志

處世若大夢胡為勞其生所以終日醉頽然卧前
楹覺來眴庭前一鳥花間鳴借問此何時春風語
流鶯感之欲歎息對酒還自傾浩歌待明月曲盡

言終
盛唐卷之五十九
四
已忘情

廬山東林寺夜懷

我尋青蓮宇獨往謝城闕
霜清東林鐘水白虎谿
月天香生虛空天樂鳴
不歇宴坐寂不動大千入
毫髮湛然冥真心曠劫斷出沒

朝王歷陽不肯飲酒

地白風色寒雪花大如手
笑殺陶淵明不飲杯中
酒浪撫一張琴虛栽五株柳
空負頭上巾吾於爾何有

憶崔郎中宗之遊南陽遺吾孔子琴撫之
潛然感舊

昔在南陽城唯餐獨山蕨
憶與崔宗之白水弄素
月時過菊潭上縱酒無休歇
泛此黃金花頽然清
歌發一朝摧玉樹生死殊
飄忽留我孔子琴琴存
人已歿誰傳廣陵散
但哭邙山骨泉戶何時明
長歸一作掃狐兔窟

望月有懷

清泉映疎松不知幾千古
寒月搖輕波流光入牕

詩已

盛唐卷之五十九

五

戶對此空長吟思君意何深無因見安道興盡愁
人心

春滯沅湘有懷山中

沅湘春色還風煖煙草綠古之傷心人於此腸斷
續予非懷沙客但美采菱曲所願歸東山寸心於
此足

落日憶山中

雨後煙景綠晴天散餘霞東風隨春歸發我枝上
花花落時欲暮見此令人嗟願遊名山去學道飛

丹砂

憶秋浦桃花舊遊時竄夜郎

桃花春水生白石今出沒搖蕩女蘿枝半搖青天
月不知舊行徑初拳幾枝蕨三載夜郎還於茲鍊
金骨

郢門秋懷

郢門一爲客巴月三成弦朔風正搖落行子愁歸
旋杳杳山外日茫茫江上天人迷洞庭水鴈度瀟
湘煙清曠諧宿好緇磷及此年百齡何蕩漾萬化

寺記

言
相推遷空謁蒼梧帝徒尋溟海仙已聞蓬海淺豈
見三桃園倚劔增浩歎捫襟還自憐終當遊五湖
濯足滄浪泉

越中秋懷

越水遶碧山周迴數千里乃是天鏡中分明盡相
似愛此從冥搜永懷林湍幽一爲滄波客十見紅
蕖秋觀濤壯天險望海令人愁路遐迫西照歲晚
悲東流何必探禹穴逝將歸蓬丘不然五湖上亦
可乘扁舟

尋陽紫極宮感秋作

何處聞秋聲條條北牕竹迴薄萬古心攬之不盈
掬靜坐觀衆妙浩然媚幽獨白雲南山來就我簷
下宿嬾從唐生決羞訪季主卜四十九年非一往
不可復野情轉蕭散世道有翻覆陶令歸去來田
家酒應熟

江上秋懷

餐霞卧舊壑散髮謝遠遊山蟬號枯桑始復知天
秋朔鴈別海喬越燕辭江樓颯颯風卷沙茫茫霧

縈洲黃雲結暮色白水揚寒流惻愴心自悲潺湲
淚難收蘅蘭方蕭瑟長歎令人愁

秋夕書懷

一作秋日
南遊書懷

北風吹海鴈南渡落寒聲感此瀟湘客淒其流浪

情海懷結滄洲

一作遠心
飛蒼梧

霞

一作
遐

想遊赤城始探

蓬壺事

一作
術

旋覺天地輕澹然吟

一作
思

高秋閑卧

瞻太清蘿月隱

一作
掩

空幕松霜皓

一作
雲散

前楹滅見

息羣動獵微窮至精桃花有源水可以保吾生

避地司空原言懷

南風昔不競豪聖思經綸劉琨與祖逖起舞雞鳴
晨雖有匡濟心終為樂禍人我則異於是潛光皖
水濱卜築司空原北將天柱鄰雪霽萬里月雲開
九江春俟乎泰階平然後託微身傾家事金鼎年
貌可長新所願得此道終然保清真弄景奔日馭
攀星戲河津一隨王喬去長年玉天賓

荊州賊平臨洞庭言懷作

脩虬橫洞庭吞象臨江島積骨成巴陵遺言聞楚
老水窮三苗國地窄三湘道歲晏天崢嶸時危人

枯槁思歸阻喪亂去國傷懷抱郢路方丘墟章華
亦傾倒風悲猿嘯苦木落鴻飛早日隱西赤沙月
明東城草關河望已絕氛霧行當掃長叫天可聞
吾將問蒼昊

覽鏡書懷

得道無古今失道還衰老自笑鏡中人白髮如霜
草捫心空歎息問影何枯槁桃李竟何言終成南
山皓

江南春懷

青春幾何時黃鳥鳴不歇天涯失鄉一作歸路江外
老華髮心飛秦塞雲影滯楚關月身世殊爛熳田
園久蕪沒歲晏何所從長歌謝金闕

南奔書懷

一作自丹陽
南奔道中作

遙夜何漫漫一作何空歌白石爛甯戚未匡齊陳
平終佐漢攬槍掃河洛直割鴻溝半歷數方未遷
雲雷屢多難天人乘旄鉞虎竹光籓翰侍筆黃金
臺傳觴青玉案不因秋風起自有思歸歎主將動
讒疑王師忽離叛自來白沙上一作兵羅鼓譟丹

陽岸賓御如浮雲從風各消散舟中指可掬城上
骸爭爨草草出近關行行昧前筭南奔劇星火北
寇無涯畔顧乏七寶鞭留連道傍翫太白夜食昂
長虹日中貫秦趙興天兵茫茫九州亂感遇一作結
明主恩頗高祖逃言過江誓流水志在清中原拔
劍擊前柱悲歌難重論

秋夕旅懷

涼風度秋海吹我鄉思飛連山去無際流水何時
歸目極浮雲色心斷明月輝芳草歇柔豔白露催

寒衣夢長銀漢落覺罷天星稀含歎今本作悲想舊國
泣下誰能揮

登廣武古戰場懷古

一作登廣武
楚漢古城

秦鹿奔野草逐之若飛蓬項王氣蓋世紫電明雙
瞳呼吸八千人橫行起江東赤精斬白帝一作叱
咤入關中兩龍不並躍五緯與天同楚滅無英圖
漢興有成功按劍清八極歸酣歌大風伊昔臨廣
武連兵決雌雄分我一杯羹太皇乃汝翁戰爭有
古跡壁壘頽層穹猛虎吟洞壑饑鷹獵一作鳴秋空

言糸
五唐卷之五十九
十一
翔雲列曉陣殺氣赫長虹撥亂屬豪聖俗儒安可
通沈洎呼豎子狂言非至公撫掌黃河曲嗤嗤阮
嗣宗

金陵新亭

金陵風景好豪士集新亭舉目山河異偏傷周顛
情四坐楚囚悲不憂社稷傾王公何慷慨千載仰
雄名

西施

西施越谿女出自苧蘿山秀色掩今古荷花羞玉

顏浣紗弄碧水自與清波閑皓齒信難開沈吟碧
雲間句踐徵絕豔揚蛾入吳關提攜館娃宮杳眇
詎可攀一破夫差國千秋竟不還

王右軍

右軍本清真瀟灑在風塵山陰過羽客愛此好鶩
賓掃素寫道經筆精妙入神書罷籠鶩去何曾別
主人

上元夫人

上元誰夫人偏得王母嬌嗟峨三角髻餘髮散垂

詩已

盛唐卷之五十九

十一

言系
盛唐卷之五十九
腰裘披青毛錦身著赤霜袍手提羸女兒閑與鳳
吹簫眉語兩自笑忽然隨風飄

商山四皓

白髮四老人昂藏南山側偃蹇松雪間冥翳不可
識雲牕拂青靄石壁橫翠色龍虎方戰爭於焉自
休息秦人失金鏡漢祖昇紫極陰虹濁太陽前星
遂淪匿一行佐明兩倏起生羽翼功成身不居舒
卷在曾臆窅冥合元化茫昧信難測飛聲塞天衢
萬古仰遺跡

峴山懷古

訪古登峴首憑高眺襄中天清遠峯出水落寒沙
空弄珠見遊女醉月一作酒懷山公感歎發秋興長
松鳴夜風

蘇武

蘇武在匈奴十年持漢節白鴈上林飛空傳一書
札牧羊邊地苦落日歸心絕渴飲月窟水饑餐天
上雪東還沙塞遠北愴河梁別泣把柰陵衣相看
泣成血

詩已

盛唐卷之五十九

世

詩經

經下邳圯橋懷張子房

子房未虎嘯破產不為家
滄海得壯士椎秦博浪沙
報韓雖不成天地皆振動
潛匿遊下邳豈曰非智勇
我來圯橋上懷古欽英風
唯見碧流水一作水流
曾無黃石公歎息此人去
蕭條徐泗空

秋夜板橋浦汎月獨酌懷謝朓

天上何所有迢迢白玉繩
斜低建章闕耿耿對金陵
漢水舊如練霜江夜清澄
長川瀉落月洲渚曉寒凝
獨酌板橋浦古人誰可徵
玄暉難再得灑淚

一作雁氣填膺

望鸚鵡洲懷禰衡

魏帝營八極蟻觀一禰衡
黃祖斗筭人殺之受惡名
吳江賦鸚鵡落筆超羣英
鏘鏘振金玉句句欲飛鳴
鷲鷲啄孤鳳千春傷我情
五嶽起方寸隱然詎可平
才高竟何施寡識冒天刑
至今芳洲上蘭蕙不忍生

金陵白楊十字巷

白楊十字巷北夾湖溝道
不見吳時人空生唐年

詩經

卷之五十九

三

草天地有反覆宮城盡傾倒六帝餘古丘樵蘇泣
遺老

盛唐第五十九

盛唐第六十

唐詩紀一百二十

鄆郡吳 瑄彙編

永嘉周才甫同校

李白 十二

五言古詩 十二

效古二首

朝入天苑中謁帝蓬萊宮青山映輦道碧樹搖煙

一作空謬題金闈籍得與銀臺通待詔奉明主抽

毫頌清風歸時落日晚躑躅浮雲驟人馬本無意

詩紀

盛唐卷之五十九

言糸
屈居卷之六
飛馳自豪雄入門紫鴛鴦金井雙梧桐清歌弦古
曲美酒沽新豐快意且爲樂列筵坐羣公光景不
可留生世如轉蓬早達勝晚遇羞比垂釣翁
自古有秀色西施與東鄰蛾眉不可妬况乃效其
顰所以尹婕妤羞見邢夫人低頭不出氣塞默少
精神寄語無鹽子如君何足珍

擬古十二首

青天何歷歷明星白如石黃姑與織女相去不盈
尺銀河無鵲橋非時將安適閨人理紈素遊子悲

行役瓶冰知冬寒霜露欺遠客客似秋葉飛飄飄
不言歸別後羅帶長愁覺去時衣乘月託宵夢因
之寄金徽

高樓入青天下有白玉堂明月看欲墮當牕懸清
光遙夜一美人羅衣沾秋霜含情弄柔瑟彈作陌
上桑絃聲何激烈風卷遶飛梁行人皆躑躅棲鳥
去迴翔但寫妾意苦莫辭此曲傷願逢同心者飛
作紫鴛鴦

長繩難繫日自古其悲辛黃金高北斗不惜買陽

言糸
屈唐卷之六十一
春石火無留光還如世中人卽事已如夢後來我
誰身提壺莫辭貧取酒會四鄰仙人殊恍惚未若
醉中真

清都綠玉樹灼爍瑤臺春攀花弄秀色遠贈天仙
人香風送紫蘂直到扶桑津取掇世上豔所貴心
之珍相思傳一笑聊欲示情親

今日風日好明日恐不如春風笑於人何乃愁自
居吹簫舞彩鳳酌醴鱸神魚千金買一醉取樂不
求餘達士遺天地東山有二疏愚夫同瓦石有才

知卷舒無事坐悲苦塊然涸轍

一作魚

運速天地閉胡風結飛霜百草死冬月六龍頽西
荒太白出東方彗星揚精光鴛鴦非越鳥何爲眷
南翔惟昔鷹將犬今爲侯與王得水成蛟龍爭池
奪鳳凰北斗不酌酒南箕空簸傷

世路今太行迴車竟何託萬族皆凋枯遂無少可
樂曠野多白骨幽菟共銷鑠榮貴當及時春華宜
照灼人非崑山玉安得長璀錯身沒期一作不朽
榮名在麟閣

詩已

或唐卷之六十一

言糸
月色不可掃客愁不可道玉露生秋衣流螢飛百
草日月終銷毀天地同枯槁蟪蛄啼青松安見此
樹老金丹寧誤俗昧者難精討爾非千歲翁多恨
去世早飲酒入玉壺藏身以爲寶

生者爲過客死者爲歸人天地一逆旅同悲萬古
塵月兔空擣藥扶桑以爲一作已成薪白骨寂無言青
松豈知春前後更歎息浮榮何足珍

僊人騎彩鳳昨下閬風岑海水三清淺桃源一見
尋遺我綠玉杯兼之紫瓊琴杯以傾美酒琴以閑

素心二物非世有何論珠與金琴彈松裏風杯勸
天上月風月長相知世人何倏忽

涉江弄秋水愛此荷花鮮攀荷弄其珠蕩漾不成
圓佳期絲雲重欲贈隔遠天相思無由見悵望涼

風前又折荷有贈云涉江翫秋水愛此紅蕖鮮攀
荷弄其珠蕩漾不成圓佳人絲雲裏欲贈隔
遠天相思無由見悵望涼
風前與此小異今附于此

去去復去去辭君還憶君漢水旣殊流楚山亦此
分人生難稱意豈得長爲羣越燕喜海日燕鴻思
朔雲別久容華晚琅玕不能飯日落知天昏夢長

覺道遠望夫登高山化石竟不返

感興六首

瑶姬天帝女精彩化朝雲宛轉入宵夢無心向楚
君錦衾抱秋月綺席空蘭芬茫昧竟誰測虛傳宋
玉文

洛浦有宓妃飄颻雪爭飛輕雲拂素月了可見清
輝解佩欲西去一作走含情詎相違香塵動羅襪綠
水不沾衣陳王徒作賦神女豈同歸好色傷大雅
多為世所譏

裂素持作書將寄萬里懷眷眷待遠信竟歲無人
來征鴻務從一作隨陽又不為我棲委之在深篋蠹
魚壞其題何如投水中流落他人開不惜他人開
但恐生是非

十五遊神仙仙遊未曾歇吹笙吟松風汎瑟窺海
月西山玉童子使我鍊金骨欲逐黃鸝飛相呼向
蓬闕

西國有美女結樓青雲端蛾眉豔曉月一笑傾城
歡高節不可奪炯心如凝丹常恐彩色晚不為人

詩已

感興卷之六

言糸 盛唐卷之六
所觀安得配君子共乘雙飛鸞

嘉穀隱豐草草深苗且稀農夫既不異孤穗將安
歸常恐委疇隴忽與秋蓬飛烏得薦宗廟爲君生
光輝

寓言二首

周公負斧戾成王何夔夔武王昔不豫剪爪投河
湄賢聖遇讒慝不免人君疑天風拔大木禾黍咸
傷萎管蔡扇蒼蠅公賦鴟鴞詩金縢若不啓忠信
誰明之

搖裔雙彩鳳婉變三青禽往還瑤臺裏鳴舞玉山
岑以歡秦娥意復得王母心區區精衛鳥銜木空
哀吟

長安春色歸先入青門道綠楊不自持清風欲傾
倒海燕還秦宮雙飛入簾櫳相思不相見托夢遼
城東

感遇三首

吾愛王子晉得道伊洛濱金骨既不毀玉顏長自
春可憐浮丘公猗靡與情親舉手白日間分明謝

詩已

盛唐卷之六

言糸
時人二仙去已遠夢想空殷勤

昔余聞姮娥竊藥駐雲髮不自嬌玉顏方希鍊金
骨飛去身莫返含笑坐明月紫宮誇蛾眉隨手會
凋歇

宋玉事楚王立身本高潔巫山賦彩雲郢路歌白
雪舉國莫能和巴人皆卷舌一感登徒言恩情遂
中絕

雜詩

白日與明月晝夜尚一作常不閑况爾悠悠人安得

久世間傳聞海水上乃有蓬萊山玉樹生綠葉靈
仙每登攀一食駐玄髮再食留紅顏吾欲從此去
去之無時還

嘲魯儒

魯叟談五經白髮死章句問以經濟策茫如墜煙
霧足著遠遊履首戴方山宋本作頭巾緩步從直道未
行先起塵秦家丞相府不重褒衣人君非叔孫通
與我本殊倫時事且未達歸耕汶水濱

懼讒

詩紀

盛唐卷之六十一

二桃殺三士詎假劍如霜衆女妬娥眉雙花競春
芳魏姝信鄭袖掩袂對懷王一惑巧言子朱顏成
損一作死傷行將泣團扇戚戚愁人腸

詠鄰女東窓海石榴

魯女東窓下海榴世所希珊瑚映綠水未足比光
輝清香隨風發落日好鳥歸願爲東南枝低舉拂
羅衣無由共攀折引領望金扉

南軒松

南軒有孤松柯葉自緜幕清風無閑時瀟灑終日

夕陰生古苔綠色染秋煙碧何當凌雲霄直上數
千尺

求崔山人百丈崖瀑布圖

百尺素崖裂四山丹壁開龍潭中噴射晝夜生風
雷但見瀑泉落如滾雲漢來聞君寫真圖島嶼備
榮迴石黛刷幽草曾青澤古苔幽緘儻相傳何必
向天台

瑩禪師房觀山海經

真僧閉精宇滅跡舍達觀列障圖雲山攢峯入霄

漢丹崖森在目清晝疑卷幔蓬壺來軒牕瀛海入
几案煙濤爭噴薄島嶼相凌亂征帆飄空中瀑水
灑天半崢嶸若可陟想像徒盈歎杳與真心冥遂
諧靜者翫如登赤城裏揭步滄洲畔卽事能娛人
從茲得消散

詠槿二首

園花笑芳年池草豔春色猶不如槿花嬋一作娟
玉堦側芬榮何天促零落在瞬息豈若瓊樹枝終
歲長翕絕

世人種桃李皆在金張門攀折爭捷徑及此春風
喧一朝天霜下榮耀難久存安知南山桂綠葉垂
芳根清陰亦可託何惜樹君園

寄遠八首

三鳥別王母銜書來見一作相過腸斷若剪絃其如
愁思何遙知玉牕裡纖手弄雲和奏曲有深意青
松交女蘿寫水落井中同泉豈殊波秦心與楚恨
皎皎爲誰多

青樓何所在乃在碧雲中寶鏡挂秋水一作月羅衣

輕春風新妝坐落日悵望金

一作錦

屏空念此送短

書願因雙飛鴻

本作一行書殷勤道相憶一行復一行滿紙情何

極瑤臺有黃鶴為報青樓人朱顏凋落盡白髮一

何新自知未應還

一作老

離居經三春桃李今若為

當牕發光彩莫使香風飄畱取

一作與

紅芳待

玉筍落清

一作春

鏡坐愁湖陽水聞

一作且

與陰麗華

風煙接鄰里青春已復過白日忽相催但恐飛

一作荷

花晚令人意已推相思不惜夢日夜向陽臺

遠憶巫山陽花明淥江煖躊躇未得往淚向南雲

滿春風復無情吹我夢竟斷不見眼中人天長音

信短

陽臺隔楚水春草生黃河

一作陰雲隔楚水轉蓬落渭河

相思無

日夜浩蕩若流波流波向海去定遶珠江濱

一作欲見

因終無遙將一點淚遠寄如花人

妾在春陵東君居漢江島一旦望花光往來成白

道

一作燕上山成白道

一為雲雨別此地生秋草秋草

秋蛾飛相思愁落暉何由一相見滅燭解羅衣

一本

言糸
無以上二句暉下有昔時攜手去今日
流淚歸遙知不得意玉筍點羅衣四句

長短春草綠綠階如有情卷施心獨苦抽却死還
生覩物知妾意希君種後庭閑時當采掇念此莫
相輕

魯縞如玉霜翦一作筆題月氏書寄書白鸚鵡西海

慰離居行數雖不多字字有委曲天末如見之開

緘淚相續千里若在眼萬里若在心今本作淚盡
恨轉深千里

同此相思千萬里一書直百一作千金

代贈遠贈一作寄

妾本洛陽人狂夫幽燕客渴飲易水波由來多感
激胡馬西北馳香駿搖綠絲鳴鞭從此去逐虜蕩
邊陲昔去有好言不言久離別燕支多美女走馬
輕風雪見此不記人恩情雲雨絕啼流玉筍盡坐
恨金閨切織錦作短書腸隨迴文結相思欲有寄
恐君不見察焚之揚其灰手跡自此滅

閨情

流水去絕國浮雲辭故關水或戀前浦雲猶歸舊
山恨君流一作龍沙去棄妾漁陽間玉筍日夜流雙

詩已
盛唐卷之六十一

雙落朱顏黃鳥坐相悲綠楊誰更攀織錦心草草
挑燈淚斑斑窺鏡不自識况乃狂夫還

代別情人

清水本不動桃花發岸傍桃花弄水色波蕩搖春
光我悅子容豔子傾我文章風吹綠琴去曲度紫
鴛鴦昔作一水魚今成兩枝鳥哀哀長鷄鳴夜夜
達五一作天曉起折相思樹歸贈知寸心覆水不可
收行雲難重尋天涯有度鳥莫絕瑤華音

代秋情

幾日相別離門前生穠葵寒蟬聒梧桐日夕長鳴
悲白露濕螢火清霜凌兔絲空掩紫羅袂一作空
長啼無盡時袂

學古思邊

銜悲上隴首腸斷不見君流水若有情幽哀從此
分蒼茫愁邊色惆悵落日曛山外接遠天天際復
有雲白鴈從中來飛鳴苦難聞足繫一書札寄言
難離羣離羣心斷絕十見花成雪胡地無春暉征
人行不歸相思杳如夢珠淚濕羅衣

詩已

盛唐卷之六

代美人愁鏡

明明金鵲鏡了了玉臺前拂拭交水月光輝何清
圓紅顏老昨日白髮多去年鉛粉坐相誤照來空
悽然

秋浦寄內

我今尋陽去辭家千里餘結荷見一作愁水宿却寄
大雷書雖不同辛苦愴離各自居我自入秋浦三
年北信疎紅顏愁落盡白髮不能除有客自梁苑
手攜五色魚開魚得錦字歸問我何如江山雖道

阻意合不為殊

自代內贈

寶刀截流水無有斷絕時妾意逐君行纏綿亦如
之別來門前草春盡秋轉碧掃盡更還生萋萋滿
行跡鳴鳳始相得雄驚雌各飛游雲落何山一往
不見歸估客發東海一作大樓知君在秋浦梁苑空錦
衾陽臺夢行雨妾家三作相失勢去西秦猶存一作
有舊歌管淒清聞四鄰曲度入紫雲啼無眼中人
女弟爭笑弄悲羞淚盈巾一本無以妾似井底桃

詩已

盛唐卷之六十一

上二句

言終
開花向誰笑君如天上月不肯一迴照窺鏡不自
識別多憔悴深安得秦吉了爲人道寸心

秋浦感主人歸燕寄內

霜朽今本作凋楚關木始知殺氣嚴寥寥金天廓婉婉
綠紅潛胡燕別主人雙雙語前簷三飛四迴顧欲
去復相瞻豈不戀華屋終然謝珠簾我不及此鳥
遠行歲已淹寄書道中歎淚下不能緘

在尋陽非所寄內

聞難一作雞知慟哭行啼入府中多君同蔡琰流淚

請曹公知登吳章嶺昔與死無分崎嶇行石道外
折入青雲相見若悲歎哀聲那可聞

自溧水道哭王炎

白楊雙行行白馬悲路傍晨興見曉月更似發雲
陽溧水通吳關逝川去未央故人萬化盡閉骨茅
山岡天上墜玉棺泉中掩龍章名飛日月上義與
風雲翔逸氣竟莫展英圖俄天傷楚國一老人來
嗟冀勝亾有言不可道雪泣憶蘭芳

盛唐第六十

盛唐第六十

盛唐第六十

[Faint vertical text columns on the left page, mostly illegible due to fading and damage.]

[Faint vertical text columns on the right page, mostly illegible due to fading and damage.]



